


PAMFLET

764








L  
o

156  
275  
..



LA FIN GENERALE  
DE  
L'ESPAGNOL,  
Q'EST L'ERECTION D'VNE CIN-  
QVIESME PRETENDVE MONARCHIE, ET LEVR  
dessein vers ces Pays-bas : seruant de bon aduis  
aux reconciliés.

156  
275



ANNO M. D. LXXXVI

764 85

2275



LA FIN GÉNÉRALE  
DE  
L'ESPAGNE  
OUEST RÉSECTION D'UNE CING  
MILLE DIX-SEPT MONARCHES, ET LEVÉ  
de la carte des Pays-bas : formant de bon usage  
aux reconquêtes.



ANNO M D C LXXVI



**E** Hasque nation ayant naturellement diversité de langages, mœurs, façons de viure, & complexions, a aussi vne inclination des effects de l'ame, au contraire de laquelle les hommes rarement se peuuent commander, par où les Epithetes ordinairement attribués à plusieurs nations, sont par experience trouués si veritables & concordans à leur naturel, que par iceux leur inclinatio generale semble estre manifestée: Car attribuant aux François la legereté & facilité, aux Italiens la faintise & dissimulation, aux Espagnols l'arrogance, & ainsi des autres, il semble riens n'estre plus conforme à eux que cela. Si biē qu'ayāt affaire avec iceux (en quelque matiere & maniere que ce soit) l'on trouuera presque tousiours leurs actions, pratiques & comportemēs, tendre & pancher à l'effect general de l'epithete à eux attribués: de sorte qu'il serā souuent aisē s'en preualoir, en s'accommodant à ce que produit ou peut produire leur dicte inclination, tant sont les hommes subjets à icelle. Bodin qui de nostre tems a beaucoup escrit (confessant l'epithete commun donné aux François) dict que la derniere paix faicte avec eux l'an cinquante-neuf au chasteau en Cambresis, fut tellement au desauantage de la couronne de France, qu'icelle en quarante ans de guerre n'en eut sceu estre plus interressée, & ce pour l'impatience des deputés François, qui se fachoient à tous propos enuoyer les aduis au Roy à Paris: & leur estant leur séjour illec ennuyeux, ne se pouant accommoder à patience, se precipiterent à vn tel accord.

Guicciardin & Paule Ioue, parlant des grans personages Italiens, desquels leurs histoires font mentiō, loient hautemēt ceux qui scauoient le mieux dissimuler, & qui acheuoient & practiquoient leurs affaires plus avec façons cachées, qu'ouuertes: & parlant d'aucuns Papes qui n'estoient Italiens, ny Italiennisés, disent qu'ils n'estoyent beaucoup propres à celle dignité, pour n'estre versés aux façons Italiennes, ny accompagné des dexterités y requises, ne se sachant fleschir aux ruses necessaires, pour faire en somme le plus souvent ce qu'on ne dit point, & dire ce qu'on n'a enuie de faire.

Nicolas Machiauelli (l'oracle de ceste nation) discourant du Prince, dit, n'estre tenu tousiours d'estre garni de vertu, mais est requis qu'il ait apparence de l'estre, alleguant le Pape Alixandre sixiesme pour exemple, duquel il dit n'auoir fait oncques autre mestier, qu'abuser les hommes, & qu'oncques homme n'eut plus d'efficace à affirmer vne chose, ne la confirmer avec plus horribles sermens, ny qui moins l'aye tenue que luy: Cependant ledit bon Machiauelli propose Cesar Borgia, fils dudit Pape (& qui a fait le mesme mestier du Pere) à tous Princes pour patron. Dit aussi qu'il fait bon qu'vn Prince apparaisse humain, loyal, & pitoyable,



ble, moyennant qu'il sache faire le contraire advenant le besoin : & faut qu'il ait le courage disposé à tourner selon les vens, & que la variation de Fortune luy commande : & qu'il faut qu'un Prince a ce qu'en le voyant, ou oyant, riens ne semble de luy que route integrité, clemence, & humanité, par ce dit il, que le vulgaire s'arreste à ce qu'il voit, voyant tout le monde ce que tu apparois estre, & peu sentans ce que tu es.

D'autant doncques que la ruine machinée cōtre ces pources Pays-bas, est resolution Espagnolle, & le moyen dont on vlt pour y paruenir est faction Italienne, je me suis quelque peu eslargi sur ce point, & specificé les regles & preceptes dudit Machiaueli, lesquels l'on trouueroit engraués dans le coeur du Prince de Parma s'il se pouuoit voir & manifester, car outre ce qu'il est Italien & issu d'une race qui les a tant sceu practiquer, il est tout asseuré & sans contredit, que le conseil d'Espagne porte se regler en ceste conformité à l'endroit de ceux du Pays-bas, ayant recours aux ruses & dissimulations (ce que Machiaueli appelle la peau du Renard) puis que par la force il n'en pouuoient venir à bout, suivant ce que Don Ioan d'Autricce mesme disoit, qu'il en falloit vn autre que luy, pour dissimuler lequel point de dissimulation ou peau de Renard, a esté mis en pratique depuis la mort d'iceluy Don Ioan : & sur iceluy se fait le fondemēt de la conqueste de pardeça, à l'opposite du chemin de rigueur que tenoit le Duc d'Alve.

Les plus gens de bien Espagnols (parlant de leur nation) disent (avec regret) qu'elle est plaine d'arrogance, s'estimant plus que nulle autre, & abjectant les autres. Ceux d'entr'eux qui si libremēt ne veuillent condescendre à manifester leur inclination, disent que l'Espagnol est graue & accompagné en ses faits de grauité : mais comme vn homme coustumierement ne confesse volontiers la mauuaise partie qui est en luy, ains ne la veut voir ny cognoistre, comme elle est veuë d'un autre, chascun jugera que ce qu'ils appellent grauité, est vrayement arrogance.

Estant doncques le party contraire de ceux du Pays-bas l'Espagnol, l'humeur & inclination Espagnolle (car il est certain que le Prince de Parme ne fait que coudre ce qu'on a taillé en Espagne) avec des raisons claires & apperceuables à vn chascun, & exemples notoires monstreray quel est leur but & fin en conformité de leur inclination naturelle confessée par eux mesmes. L'arrogance est vne plante laquelle produit pour fruit mespris d'un autre, ambition, extreme vengeance, se pensant trouuer offensé, vouloir commander & imposer la loy à vn autre, ne souffrir aucun compaignon, en fin tyrannie & cruauté, & vn feruent desir de dominer vn chascun : lesquels fruits s'accroissent d'autant plus que l'arrogance devient grande, par ce trouuer celuy qui en est possédé, s'augmentant en puillance & moyens, comme nous l'auons veu en l'Espagnol depuis



depuis cent ans ença. Car estans les Royaumes de Castille & d'Arragon venus à estre conjoints avec autres Seigneuries, par le mariage de Ferdinande, Pere grand maternel, de l'Empereur Charles cinquiesme, & ayant heureusement chassé les Mores du Royaume de Grenade, n'aspiroint qu'à la premiere occasion, fut à tort ou à droit, s'extendre plus auât, comme il apparut certain temps apres: car ledit Ferdinande fut bien tant contraire à son propre sang, brullant du feu d'ambition, que se ligner avec Louis douzielme Roy de France, contre Frederic Roy de Naples, de sa propre maison d'Arragon, à assaillir ledit Royaume, & le m'y par-tir, comme ilz firent: & en chassant en apres les François, furent pai-sibles possesseurs dudit Royaume.

Et s'augmentant l'arrogance par le moyen de ceste conqueste (ayant quelques années apres, le Pape Iules second par vne bulle donné en proye à qui les pourroit posseder les Royaumes de France & de Navarre) ne faillirent lestdits Espagnols s'emparer de cestuy de Navarre, & eussent fait aussi de cestuy de France, si la partye n'eut tombé trop dure: N'ayant deslors eu iceux Espagnols autre project qu'eriger en leur nation vne cinquiesme Monarchie, en conformité de l'arrogance naturelle qui les accompagne. A ce que dessus leur fut aussi concurrent le mariage de l'Archeduc Philippe Pere de l'Empereur Charles cinquiesme, à la fille de Ferdinande leur Roy, pour adioindre à leur pretendue Monarchie ces Pays-bas, au moyen desquels il leur sembloit s'ouvrir vn bien large chemin, avec resolution & pratique dressée deslors, que combien ledit Archeduc ne fut Espagnol, de faire toutesfois en sorte que ses successeurs le seroyét, & d'humeur & de naissance avec le temps, cōme nous le voyons au Roy à present, vers lequel lestdits Espagnols ont eu plus de pouuoir à l'induire au fil de leur inclinatio & naturel, que les notables remonstrances & dernieres instructions que luy fit l'Empereur son Pere à Bruxelles, l'an cinquante cinc, luy faisant la cession de ces Pays-bas, partant pour Espagne, tendantes notāment à ce point, de ne croire le conseil Espagnol pour le gouvernement de pardeça.

Ils se sont apres retenu la Duché de Milā, de laquelle l'Empereur s'en estoit fait maistre en qualité de fief de l'empire: Marchant plus auant, y voulurēt adioindre cestuy d'Angleterre, par le moyen du mariage de la Royne Marie, y dressant aussi tost celuy consumé des desseins à le retenir ferme, si le temps leur eut permis, & depuis y ont fait tant de menées pour parvenir à ce point, si le bon Dieu ne leur eut empesché: n'estant hors de doute, que si les succes eussent correspondus à leurs intentions & projects dressés, ayant ainsi environné de toutes parts le Royaume de France, il luy eussent donné de la besongne. Et combien toutesfois que jusques ores ouvertement ils n'en ont fait semblant, celuy qui est accom-



pagné de quelque jugement, avec les yeux ouuerts s'aperceura que depuis la mort du Duc d'Anjou ilz s'y preparent le chemin, & commencent y faire bresche: car incontinent apres sa mort, tout le monde scait l'argent qu'ils ontourny au Duc de Guise, pour y allumer la guerre, & en telle quantité, que le Secretaire du Prince de Parme Cosme, parlant vn jour sur les grandes charges que le Roy a, disoit qu'il auoit fait tenir depuis an & demy autant d'argent en France que pardeça. N'estce point pour y gagner des seruiteurs & supposts, afin de s'adjoindre ce beau Royaume, escheant à vn hereticque, par vne excommunication du Pape, venant ce Roy à mourir, sans toutéfois que ledit Duc de Guise pense qu'il luy puisse aduenir comme autresfois est fait à Louis Sforce, quand s'ayant serui des François pour s'inuéstir du Duché de Milan, & s'en deffiant puis apres, il paya à son grand interest la folie des troubles qu'il auoit suscité: comme il aduient presque tousiours à tels factieux & brouillons.

Ayant doncques disie en Idée cedit Royaume, se promettent dresser vn Empire de la plus belle & meilleure partie de la Chrestienneré. Voila en somme leurs conceptions.

L'emparement du Royaume de Portugal dernièrement, a confirmé ce que dessus, n'ayant le Roy d'Espagne voulu entrer en quelque decision & voye de droit, par ceux qu'y prétendoyent action, combien que l'election que firent les Estats & peuple du Pays vnanimement du Roy Don Antonio debuoit auoir lieu à vuider ce different, si par violence & tyrannie, lon ne veut aneantir & corrompre le droit des gens: Ne leur desfavorisant au reste que les obstacles qui rencontrent pardeça, à entreprendre choses plus hautes, & perfectionner leur pretendue Monarchie.

Lon me dira que ces Pays-bas ne leur sont pas Pays de conqueste, ains patrimoniaux au Roy, & que pour cela n'auons que craindre la grandeur & accroissement de l'Espagnol: Mais je leur demanderay si leur intention n'a tousiours esté d'en disposer comme de tels, suiuant ce que le Duc d'Alve dit vn jour la volonté du Roy estre les Prinuileges du Pays, comme si sa puissance ne fut limitée de certaines loix, lesquelles oultrepassant, le peuple est absout du serment à luy presté, & n'est plus Seigneur ains Tyrân. Ceste ouuerte declaration du Duc d'Alve est toute manifestée & esclaircie de plus, par vne lettre que l'Embassadeur du Roy d'Espagne (estant en France l'an soixantefix) escriuit à la Duchesse de Parme, sur ce qu'elle auoit si bien joué son rolle à l'endroit des Gentil-hommes qui luy presenterent la requeste à Bruxelles, tendant seulement à ce que les hommes ne fussent si legerement mis & exposez à la mort, par l'execution des placcars rigoureux, & qu'on y procedat plus meurement, sans toutéfois toucher à la Religion: Les mots doncques estoient tels:

*La Maiesié attribué la conseruation de ses Pays-bas à vostre Altesse apres Dieu, lequel*



quel fera par sa grace que de ce mal qui est advenu, sa Maieſté tirera vn ſi grand bien & comodité, que de les voir reduicts à ſon entiere obeïſſance, & à l'eſtat, reglement & gouuernement auquel ſes Predeceſſeurs n'ont iamais peu paruenir, & que ſi long temps elle a deſigné, enſemble ceſte occaſion.

Donc en conformité du iugement que ces deux perſonnages Eſpagnols (qui ont eu tant de part au cōſeil du Roy) font du Pays & peuple d'iceluy, lon peut aiſemēt apperceuoir ſ'ils n'acheminēt leurs affaires pour paruenir à vn remede conuenable, qu'ils appellent à ce mal preſent, & venir à l'eſſect de leur pretenſion, à l'endroit auſſi bien des meilleurs Catholicques, que de ceux de la Religion, ven qu'il n'en eſtoit queſtiō quand le ſuſdit Ambaſſadeur eſcriuoit ce ſecret, & le Duc d'Alve tenoit ce langage. Et ſi leur deliberation eſtoit de nous reduire (auant qu'il y eut vne ſeule offenſe faite) à vne entiere obeïſſance, qu'eſt proprement tyrannye, & vn moyen projecté de tirer de l'argēt de ces Pays à leur plaiſir, & augmenter meſmes & perpetuer les aides accordées à l'Empereur & au Roy pour les dernieres guerres contre la France. Je voudrois bien ſcavoir que peuuent eſperer ceux d'Arthois, Hainaut & autres reconciliez des intentions Eſpagnolles? ven qu'il les ont jugé tant tendre à ce point de nous rendre eſclaues ſ'ils pouoyent, qu'auēc les autres Prouinces ont prins les armes contre iceux, contraingnant les inhabitants de leur villes, à faire ſerment cōtre Don Ioan & ſes allies, chassant hors ceux qui n'eſtoient de ceſt aduis, ſuiuant quoy ont eſté compris en la ſentence de Don Ioan, qu'il n'y auoit pas vn en tout le Pays qui recognut Dieu & leur Roy.

A tout cecy Meſſieurs les reconciliez me reſpondront le langage qu'a tenu l'Abbé de S. Vvaſt d'Arras en Eſpagne, que la Reconciliation faite auēc la Maieſté, eſtoit vn ſacrifice pour effacer les offenſes paſſées cōme ſi (ainſi que dit le Proverbe) l'are desbandé peut reguerir la playe, ne conſiderant point que ceſte Reconciliation n'eſt que leur debuoir, demourāt au reſte l'offenſe faite, & crime de leſe Maieſté, offenſe & crime de leſe Maieſté dequoy en faut faire (quoy que tard) la punition, tant pour la faute en ſoy, que pour ſeruir d'exemple aux Milanois, Neapolitains, Indiens, Portugueis, Nauarrois & autres, à n'attenter ſemblable rebellion, & ſe rendre plus redoutables.

Encore outre le ſacrifice ſuſdit ils me dirōt le Roy leur auoir pardonné, & qu'il ſe faut arreſter à ſa parolle ſans autre arriere-penſée. Mais je leur demanderay quelle aſſurance ils ont plus de ce Pardon, que des conditions contenuës en leur traité de Reconciliation au regard des points principaux, comme de la ſortie des eſtrangers, qui ſont en ſi grand nombre & plus ſachans les ſecrets du Pays, qu'ils ne furent onques, combien que le Prince de Parme, ſe maintient le plus ferré qu'il peut, en conformité



des regles de Machiaueli (comme j'ay dit) lesquelles il manie si dextre-  
ment, qu'avec icelles il a mesme ces jours esbloui les yeux à quelqu'un  
qui a toujours fait professiō de prescher & publier les feintises & embu-  
sches Espagnolles.

Aussi ilz m'allegeront les seruices (principalement les Nobles) qu'ils  
font au Roy, à ranger les non-reconciliez, s'estant tant hasardeusement  
& valeureusement employé à tout propos, sans espargner leur vie. Je  
leur responderay ce que fit vn Espagnol, auquel quelqu'un parlant que le  
Roy auoit perdu vn braue & vaillant seruiteur au feu Marquis de Riche-  
bourg, dit qu'il auoit fait plus de bresche au seruice du Roy en vn jour, qu'il  
n'en scauroit remparer en dix ans. Le Capitaine Nicolas Baste, estant  
vn jour sur le propos d'un Seigneur, que je ne veux pas nommer (affin  
que luy & ses semblables ne soyēt plus enflabez à estre Ministres & in-  
struments de l'Espagnol) & le qualifiant seruiteur du Roy sans reproche,  
luy fut d'auenture repeté par cestuy auquel il discouroit que Monsieur le  
Marquis de Renti auoit fait beaucoup plus de seruices signalés, & conti-  
nuellement auoir esté plus en action, dit ledit Nicolas Baste (*Notate verba  
& signate misteria.*) Monsieur le Marquis est reconcilié, reconcilié, le re-  
petant deux fois, d'une façon grignarde, comme s'il disoit aussi qu'il  
auroit fait plus de bresche en vn jour au seruice du Roy, qu'il n'en scauroit  
remparer en dix ans. Voila leur recompense, les voila bien regrettez  
quand ils sont morts, & se font rompre le col pour seruir de maquignō à  
l'Espagnol, de façon Messieurs, que si vous pēsez qu'on ne se joue de vous,  
& qu'on ne vous mette en cōtrebatterie aux autres pour vous par ensem-  
ble ruiner & destruire, affin que Messieurs les Espagnols viennent de  
mieux à leur pretendu, suivant la prophetie d'Escouedo tant de fois repe-  
tée, Vous vous monstrez tresignorāts aux affaires du Monde, & resem-  
blés ces petites mousches, qui environnant la chandelle pour le plaisir  
qu'elles y prennent, s'y consomment à la fin.

Vous pouvez aussi cognoistre Messieurs, le poure estat auquel vous vous  
retrouuez presentement, lequel specifier n'est que ramenteuoir voz do-  
leurs, lesquels si vous ne sentés, oyés, & voyez, vous estes ladres, sourds,  
& aueugles. N'ayant eu au reste ceux qui vous ont induict à ceste Recō-  
ciliation que quelque passion particuliere pour but, & non ce qui pouoit  
dependre du salut du Pays & de voz Prouinces, ny meurement confide-  
ré & preneu les dangers qui en denoyent sourdre, & que l'issuē n'en po-  
uoir estre que tragicque & calamiteuse. Aussi n'ont monstté auoir quel-  
que cognoissance en quoy consiste le bien, prosperité & reputation de  
ces Pays tant renōmés par le monde, c'ar s'ils eussent sceu que c'estoint  
les manufactures & traficques de marchandises qui s'y font, & que les  
Prouinces de Hollande & de Zelande (au moyē de la Mer) sont les clefs  
des



des boutiquez de pardeça, ils n'eussent fait tel tort à ce Pays, si le bien leur eut esté en quelque recommandation.

Au demourant plus sera il en decadence, destruit, miserable & esloigné de son bien, & plus sera tousiours l'Espagnol pres du gaing de sa partie, car iceluy est le seul moyen pour faire venir le Pays, vous y comprendat, à son entiere obeissance, avec leurs estrangers qui sont en si grand nombre, apres auoir totalement accablez les non-reconciliez : Et combien qu'en cela vous soyez avec eux bien loing de vostre compte, si d'auenture cela aduint, par quels moyens leur resisterez vous, & ferez teste, quand ils auront enuie de mettre cinquante mille Espagnols, Italiens, Bourguignons, Allemans & autres dans le Pays ? où sont voz forces pour les empescher, ou pour combattre seulement le tiers d'eux ? Lon maine la guerre aux non-reconciliez à coups de canons, & ne voyés qu'on vous attaque par mines, & par dessous terre : car que veut dire qu'on ruine les vieilles ordonnances de Cauallerie, cy deuant les forces & appuy de pardeça, & qu'on tient les regimens Vvalons comme bastars ? & n'en y auroit vn seul à la solde, n'estoit qu'il faut encore dissimuler vers aucuns qui portent le tiltre de Collonel : N'estce point pour oster voz nerfs, & ainsi vous martiner en apres à baguette, & jouir de voz richesses, femmes & filles en signe de trophée de leurs victoires, & parvenir à leur pretendu ?

Messieurs souuenez vous que les plus courtes folies, sont les meilleures, & si vous voulez vne fois ouuir voz yeux à bon escient, & que les illusions de ceux qui vous ont enchanter ne vous facent voir vne chose pour l'autre, vostre misere pour vostre biē, vostre esclauonie pour vostre liberté, il ne tiendra qu'à vous de mettre vne briefue fin avec voz anciens amis & compatriots aux desseins Espagnols, & à vostre ruine toute resoluē, ensemble vn reestablissement de l'ancienne splendeur, & magnificence de ces Pays. Il y a sept ans qu'auiez practiqué vostre reconciliation, vous auez eu (durant ce tems) vostre part des fruiets de la guerre, & pense qu'il n'y a endroict en voz Prouinces qui n'en sache à parler. Cependāt pensant auoir acheuē vne partie de la conqueste sur voz ennemis, vous vous retrouuez mêmes vaincus (par maniere de dire) sans coup donner, mais de qui ? de la main de Dieu, qui est liberateur de ceux, qu'on veut injustement oppresser, & qui voulant dōner la benedictiō aux siens, leur disoit paix soit avec vous.

Souuenez vous que les plus grandes Monarchies, florissans Royaumes & Seigneuries sont venuz en ruine, decadence & seruitude, par telles & semblables guerres, comme sont celles en lesquelles nous sommes plōgez presentement. Ceux de Ierusalē nous doibvent servir en cecy de miroir, lesquels s'entrebattans cependant que les Romains les assailloyent furent miserablement vaincus & oppressez.

Ne



Ne pensez point aussi que ceux que vous reputerez ennemis, ayant perdu du tout le coeur, ains plus appuyez & resolu que jamais, moyennant la grace de Dieu à se tresbien deffendre, reprimer vostre rage, & possible vous faire ce qu'avez resolu en leur endroict. Vous pouant bien dire ce qu'Annon Cartaginois fit aux Ambassadeurs d'Hannibal apres la defaite de Canes, car louant hautement iceux Embassadeurs les faits de leur Majesté, comme si la partie estoit du tout vaincue, & leur estant demandé dudit Annon si quelqu'un du peuple Romain estoit venu parler de paix, & iceux respondant que non, repliqua Annon que ceste guerre estoit aussi entiere que deuant.

A tout cecy vous me direz qu'un accord entre les Prouinces ne seroit que bon (non esmeu de la raison, mais de la poureté & famine qui est entre vous) & que la guerre n'ameine que tous maux, mais que vous estes tant Catholiques que ne pourriez souffrir aucuns de la Religion en voz villes avec l'exercice d'icelle.

C'est merueilles que les exemples des autres ne vous peuent rendre sages, quand le pouez estre à si bon marché: vous voyez un Royaume de France depuis vintecinc ans ença presque continuellement en guerre pour le fait de la Religion, où lon n'a espargné chose tant cruelle & execrable quelle peut estre, sans n'auoir riens profité: Nous auons veu le mesme en Allemagne, où lon s'est opiniastré tant d'années en guerre, & la fin estre ce que les Protestans auoyent requis dès le commencement, à scauoir l'exercice de leur Religion. On vous auoyt predict que n'y profiteriez non-plus pardeça, mais vous ne le vouliez croire, ains venir à l'experience vous eschauder pour brusler autrui, ou ainsi que vous voyez, vous brusler pour eschauder les autres. Maintenant que vous devez auoir cuné (comme on dit) les fumées de vostre vin & cholere à ceste poursuite, vous voyez l'estat auquel vous estes: vous me direz que c'est un accident, & que si la famine ne vous pressoit, vous viendriez incontinent au but de voz ennemis, mais ie vous respon que cestuy est un grand sot, qui pense mesurer & incliner la volonté de Dieu à la sienne, de Dieu disie, qui ne veut point que les armes plantent sa gloire. C'est aussi merueilles que ne pourriez souffrir pour vostre propre bien & repos ceux de la Religion en voz villes, la plupart voz parens, voisins, amis, ou alliez, qui s'accordét avec vous quand à l'essence & puissance de Dieu, n'y ayant autre different que de la forme de l'adorer & invoquer, pour les abus qu'ont introduit ceux qui sous ces couuertes se sont fait grans, en quoy je ne veux entrer en discours, d'autant qu'ilz sont assez publiez: seulement feray resouuenir un chascun, comment les anciens Docteurs & gens de bien se sont escriez contre les Prelats & Abbés, quand ilz ont commencé à porter des croches de fin or, chargées de pierres precieuses.

Aussi



Aussi vous me direz que ceux de la Religión sont incompatibles, & qu'il ont fait beaucoup d'insolences, je vous l'accorderay, moyennant que m'accordes aussi (ce qui est veritable) sçavoir que les vostres ont vsé de beaucoup de meschancetez en leur endroict, les faisant mourir cruellement, & feriez encore le mesme n'estoit que par des douceurs on ne les pensoit attraper, feignant n'estre plus si cruels. Mais laissons le passé, & croyons que les esguillons & malheurs que le Pays a souffert, & chascun preique en son particulier, nous doibvent auoir dompté les petulances generalement, ainsi que dit Cicero, que les hommes effrenez des choses prosperes, doivent estre amenez au giron de la raison par le contraire, ainsi que les enfans qui viennent plus sages, quand ils ont tresbien esté fouiettez, & ainssi que chascun en son particulier a bien occasion d'estre accõmodable & compatible, qu'est le seul remede pour redresser l'estat, chasser les meschantes moeurs & corruptions survenues, le reestablisement de la prosperité du Pays, & l'amour que chascun doit porter à son prochain. Je scay qu'il y a beaucoup de gens de bien, d'honneur & de vertu entre vous à qui ces malheurs deplaisent: aussi n'y a il faute de plusieurs qui jouent (comme lon dit) à toute reste, entre lesquels sont les Prelats, Chanoines & Abbés pour leur benefices de dix à douze mille escus par an, les vns plus les autres moins, ausquels semble qu'un reestablisement d'Estat ne peut arriuer, qu'avec diminution de leur cuisine, pour laquelle maintenir ils employeront le verd & le sec, & prendront plutoist vne armure de teste au lieu de leur Mitre, & vne hallebarde pour leur Croche, comme disoit damp Mathieu Abbé de S. Guilain, & depuis Euesque d'Arras, lors qu'il fut en opinion qu'on feroit des commanderies & croysades de leurs abbayes. Mais il faut considerer qu'iceux n'ont aucune occasion se soucier quel pourra estre le temps apres leur mort, d'autant qu'ils ne laissent aucuns enfans, au moins legitimes, & ne s'arrester à leurs passions, ains choisir le chemin le plus salutaire, honneste, profitable & tranquil, afin qu'ostant le bon Dieu son ire de nous, nous le loüions avec Dauid disant:

*Misericorde & foy lors se iointront,  
Iustice & Paix s'accoller on verra:  
Foy sortira de terre contremont,  
Iustice en bas du Ciel regardera.  
Dieu mesmement nous donnera ses fruits,  
Qui nous seront par la terre produits.  
Brief, devant luy iuste gouvernement  
Ira son train sans nul empeschement.*  
F I N.



[illegible]

176. Son train pour lui empescherment.  
 177. devant lui les gouvernements  
 Qui nous seront par la terre produits.  
 Dieu mesme nous donnera les fruits.  
 Justice en bas du Ciel regarder.  
 Roy former de terre couronner.  
 Justice & Paix s'acceller en terre.  
 Malice & Roy leur se joindront.



